



Broj: 01-02.4-3-221-1/17
Istočno Sarajevo, 14.2.2017. godine

**IZVJEŠTAJ O SPROVOĐENJU
SREDNJOROČNOG PLANA RADA INSTITUTA ZA STANDARDIZACIJU
BOSNE I HERCEGOVINE ZA 2016. GODINU**

SADRŽAJ

Poglavlje 1: Uvod	3
1.1. Nadležnosti Instituta za standardizaciju Bosne i Hercegovine	3
1.2. Kratak pregled ciljeva i programa Instituta za standardizaciju Bosne i Hercegovine	4
Poglavlje 2: Napredak u ostvarivanju ciljeva u 2016. godini	4
2.1. Doprinos ostvarenju strateških ciljeva	4
2.2. Doprinos ostvarenju srednjoročnog cilja.....	6
Poglavlje 3: Izazovi u sprovođenju	8
Poglavlje 4: Naučene lekcije	9
Poglavlje 5: Zaključak	9
Prilozi	11

Poglavlje 1: Uvod

1.1. Nadležnosti Instituta za standardizaciju Bosne i Hercegovine

Institut za standardizaciju Bosne i Hercegovine (u daljem tekstu Institut) je nacionalno (državno) tijelo za standardizaciju uspostavljeno prema Zakonu o osnivanju Instituta za standardizaciju Bosne i Hercegovine („Službeni glasnik BiH”, broj 44/04) i Zakona o standardizaciji Bosne i Hercegovine („Službeni glasnik BiH”, broj 19/01), zaduženo za razvoj i donošenje standarda u skladu sa ciljevima i principima na kojima se temelji bosanskohercegovačka državna standardizacija.

Institut je državna naučno - stručna institucija, nadležna da:

U području standardizacije: predlaže strategiju standardizacije u Bosni i Hercegovini, priprema i izdaje bosanskohercegovačke standarde (BAS), predstavlja i zastupa Bosnu i Hercegovinu u evropskim i međunarodnim organizacijama za standardizaciju, te obavlja poslove koji proizilaze iz međunarodnih sporazuma i članstva u tim organizacijama, učestvuje u pripremanju tehničkih propisa, razvija informacioni sistem o standardima i drugim srodnim dokumentima, proglašava standarde BiH (BAS), organizuje i sprovodi specijalističko obrazovanje kadrova u području standardizacije, bavi se izdavačko - publicističkom djelatnošću iz područja standardizacije.

U području ocjenjivanja usaglašenosti: učestvuje u uspostavljanju i održavanju sistema sertifikovanja i homologacije u skladu sa evropskim modelom, zastupa Bosnu i Hercegovinu u evropskim i međunarodnim organizacijama za ocjenjivanje usaglašenosti i organizuje obrazovanje iz područja ocjenjivanja usaglašenosti.

Institut obavlja sljedeće poslove i zadatke iz područja državne standardizacije:

1. priprema, prihvata, izdaje i održava državne standarde BiH i druge dokumente iz područja državne standardizacije BiH;
2. vodi registar državnih standarda BiH;
3. formira stalna i privremena tehnička stručna tijela, koordinacione odbore, tehničke komitete i radne grupe za izvršenje programa rada na poslovima iz područja standardizacije;
4. učestvuje u radu i zastupa interese državne standardizacije BiH u međunarodnim i evropskim organizacijama za standardizaciju;
5. sakuplja, uređuje i distribuira standarde i druga dokumenta te informacije iz područja standardizacije u skladu sa programom rada uz uspostavljanje, vođenje i održavanje odgovarajućih baza podataka;
6. objavljuje državne standarde na prijedlog odgovarajućeg tehničkog komiteta;
7. izdaje glasilo namijenjeno za obavještanje o novim, izmijenjenim, zamijenjenim i povučenim državnim standardima BiH (BAS), te informacije o vijestima i događajima iz područja standardizacije;
8. izvršava i druge zadatke u skladu sa propisima i međunarodnim obavezama Bosne i Hercegovine iz područja standardizacije;
9. obavlja stručno - administrativne poslove za potrebe vanjskih tijela Instituta i potrebe Savjeta za standardizaciju BiH.

1.2. Kratak pregled ciljeva i programa Instituta za standardizaciju Bosne i Hercegovine

Institut je Srednjoročnim planom rada Instituta za standardizaciju BiH za period 2016-2018. godina (broj: 01-50-3-1338-4/15 od 19.01.2016. godine) definisao sljedeće programe:

- Praćenje i usvajanje evropskih i međunarodnih standarda i izrada izvornih BAS standarda,
- Unapređenje informacionog sistema za standardizaciju - registar dokumenata bosanskohercegovačke standardizacije,
- Ispuniti 6+3 kriterije definisane CEN/CENELEC Vodičima 20 i 22.

Navedeni programi treba da doprinesu realizaciji specifičnog cilja koji se odnosi na: Unapređenje procesa pripremanja, donošenja i objavljivanja BAS standarda i pripreme Instituta za punopravno članstvo u evropskim organizacijama za standardizaciju (CEN i CENELEC).

Takođe, definisani su i programi koji treba da doprinesu realizaciji drugog specifičnog cilja: Unapređenje postojećih i razvoj novih usluga Instituta, a koji podrazumijevaju:

- Unapređenje prodaje,
- Promociju Instituta i podizanje nivoa svijesti bosanskohercegovačke javnosti o važnosti i ulozi standarda i standardizacije,
- Poboljšanje efikasnosti BAS-ovog ENP sistema - informaciona i notifikaciona tačka,
- Uspostavljanje sertifikacionih tijela.

Poglavlje 2: Napredak u ostvarivanju ciljeva u 2016. godini

2.1. Doprinos ostvarenju strateških ciljeva

Institut definisanjem i realizacijom svojih projekata, programa, specifičnih ciljeva doprinosi realizaciji sljedećeg strateškog cilja:

Unaprijediti razvoj konkurentnog ekonomskog okruženja, koji pripada opštem principu razvoja: Integrisani rast.

Kada je u pitanju slobodan protok roba kao jedan od ključnih principa jedinstvenog evropskog tržišta, država Bosna i Hercegovina, kao potencijalni kandidat za članstvo u EU se mora fokusirati na preuzimanje EU propisa koji se odnose na unutrašnje tržište i trgovinu. Slobodan protok roba i kapitala predstavlja osnovu za razvoj svake države članice EU. Srednjoročnim programom rada Savjeta ministara BiH za period 2016-2018. godina definisano je da je prioritet usklađivanje tehničke regulative i standarda kao preduslova za slobodno kretanje proizvoda koji su sigurni za upotrebu i koji pružaju maksimalan nivo zaštite zdravlja i sigurnosti ljudi, životinja, biljaka, imovine i životne sredine. Unapređivati sistem infrastrukture kvaliteta, kojeg čine standardizacija, metrologija, akreditacija, ocjenjivanje usaglašenosti i nadzor nad tržištem u skladu sa dobrom praksom EU je drugi preduslov za unapređenje slobodnog protoka bh proizvoda na tržištu kao i priznavanje sertifikacionih i ispitnih dokumenata koji ih prate.

U cilju ostvarenja navedenog strateškog cilja, a u skladu sa svojim nadležnostima, Institut je u toku 2016. godine putem stručnih tijela (BAS/TC) radio na aktivnostima koje se odnose na pripremu, donošenje i objavljivanje bosanskohercegovačkih standarda. Institut trenutno ima 55 aktivnih tehničkih komiteta iz različitih oblasti standardizacije. Javni poziva za članstvo u tehničkim komitetima je stalno otvoren. U rad tehničkih komiteta uključene su različite grupe

zainteresovanih strana (tijela državne uprave, industrija, univerziteti, istraživačko-razvojne organizacije, privredne komore, strukovna udruženja, potrošači i dr.).

Sa 31.12.2016. godine broj bosanskohercegovačkih standarda i drugih standardizacijskih dokumenata iznosio je 31045. Od tog broja 28681 su bosanskohercegovački standardi i amandmani kojim su preuzeti međunarodni, evropski i nacionalni standardi drugih zemalja. Broj izvornih bosanskohercegovačkih standarda i standardizacijskih dokumenata je 44.

Sa 31.12.2016. godine Institut je preuzeo 83,22 % evropskih standarda koje je objavio Evropski komitet za standardizaciju (CEN), 88,18 % evropskih standarda koje je objavio Evropski komitet za standardizaciju u oblasti elektrotehnike (CENELEC) i 69,9 % standarda koje je objavio Evropski institut za standardizaciju u oblasti telekomunikacija (ETSI).

Donošenjem novih propisa u kojima se poziva na bosanskohercegovačke standarde (preuzeti evropski standardi), odnosno usklađivanjem bosanskohercegovačkog zakonodavstva sa zakonodavstvom Evropske unije, identifikuju se i povlače (stavljaju van snage) stari propisi, a sa njima i standardi (JUS) koji nisu u skladu sa evropskim standardima. Institut je u toku 2016. godine vršio identifikaciju svih standarda uz pomenute propise i sačinjavao listu standarda koja se stavlja van upotrebe uz te propise. Institut je za 7 direktiva Novog pristupa koje su u formi Naredbe transponirane u zakonodavstvo BiH sačinio liste od 1386 JUS standarda sa obaveznom primjenom vezanih za prestanak primjene ranijih propisa.

Kada je u pitanju drugi preduslov za unapređivanje slobodnog protoka bh proizvoda na tržištu, odnosno unapređivanje sistema infrastrukture kvaliteta, Institut je i u toku 2016. godine radio na unapređenju svog rada. Naime rad stručnih tijela Instituta na procesu standardizacije u BiH odvija se prema internim pravilima za standardizaciju BiH koja su usklađena sa pravilima rada međunarodne i evropske standardizacije (ISO/IEC Direktivama, dio 1 i 2, ISO Vodičem 21, dio 1 i 2, te CEN/CENELEC Internim propisima, dio 2 i 3), kao i Kodeksom dobre prakse za pripremu, usvajanje i primjenu standarda Aneksa 3 Sporazuma o tehničkim barijerama u trgovini Svjetske trgovinske organizacije. U martu 2016. godine donesena su nova izdanja internih pravila, i to:

- Poslovnik o radu stručnih tijela Instituta,
- Uputstvo o označavanju i registrovanju dokumenata bosanskohercegovačke standardizacije,
- Uputstvo o strukturi i oblikovanju bosanskohercegovačkih standarda i drugih dokumenata dostupnih javnosti,
- Uputstvo za pripremanje, donošenje i objavljivanje BAS standarda i drugih dokumenata bosanskohercegovačke standardizacije,
- Uputstvo o preuzimanju međunarodnih i evropskih standarda i drugih dokumenata koji nisu standardi,
- Uputstvo o označavanju i registrovanju tijela za pripremu dokumenata bosanskohercegovačke standardizacije,
- Uputstvo za učešće u radu tehničkih radnih tijela međunarodnih i evropskih organizacija za standardizaciju.

Institut od 2009. godine ima uspostavljen sistem upravljanja kvalitetom u skladu sa zahtjevima standarda BAS EN ISO 9001. U 2016. godini vršena je ponovna sertifikacija, kao i održavanje, praćenje i poboljšanje sistema upravljanja kvalitetom.

U cilju unapređenja znanja i rada, zaposleni su prisustvovali različitim vrstama obuka i seminara u organizaciji Agencije za državnu službu BiH, Direkcije za evropske integracije BiH i sl, kao i u organizaciji evropskih i međunarodnih organizacija.

Rađeno je na aktivnostima koje se odnose na podizanje nivoa svijesti bosanskohercegovačke javnosti o važnosti i ulozi standarda i standardizacije, organizovanjem, u saradnji sa Spoljnotrgovinskom komorom BiH obilježavanja Svetskog dana standarda, učešćem na seminarima, edukativnim konferencijama, sastancima i sl.

2.2. Doprinos ostvarenju srednjoročnog cilja

Institut kao jedino nacionalno, odnosno državno tijelo za standardizaciju u Bosni i Hercegovini čini dio infrastrukture kvaliteta, i dužan je da doprinese realizaciji sljedećeg srednjoročnog cilja:

Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije, zajedno sa:

- Ministarstvom spoljne trgovine i ekonomskih odnosa BiH,
- Institutom za akreditovanje BiH,
- Institutom za mjeriteljstvo BiH,
- Institutom za intelektualnu svojinu BiH,
- Agencijom za nadzor nad tržištem BiH,
- Agencijom za javne nabavke BiH,
- Kancelarijom za razmatranje žalbi BiH,
- Agencijom za osiguranje u BiH,
- Konkurencijskim vijećem.

Institut je u toku 2016. godine u skladu sa svojim nadležnostima sprovodio aktivnosti koje se odnose na unapređenje Sistema infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije.

U toku 2016. godine, Institut je preuzeo 2143 standarda, od čega 1521 evropski i 622 međunarodna standarda. Broj objavljenih izvornih standarda u 2016. godini je 1 (BAS EN 1991-1-1/NA:2016). Institut je i u toku 2016. godine obezbijedio uslove za rad na pripremi propisa, čiji su nosioci druge institucije BiH, kao i na usaglašavanju regulative BiH (zakona i drugih propisa) sa propisima Evropske unije (uredbe i direktive) sa aspekta planiranja i preuzimanja standarda na koje se ti propisi pozivaju. Vršeno je preuzimanje i praćenje promjena harmonizovanih standarda uz direktive novog pristupa. Broj preuzetih harmonizovanih i drugih evropskih standarda čije su reference objavljene u službenom listu Evropske unije (EU Direktive i Uredbe) u 2016. godini je iznosio 237. Takođe, redovno je vršeno objavljivanje, vođenje i ažuriranje pregleda harmonizovanih standarda uz direktive novog pristupa na web stranici Instituta.

U okviru razvojne saradnje između Republike Češke i Bosne i Hercegovine, u januaru 2015. godine potpisan je Memorandum o razumijevanju između Češke razvojne agencije, Češke kancelarije za standarde, metrologiju i ispitivanje, te Instituta za standardizaciju Bosne i Hercegovine. Sporazum se odnosi na implementaciju projekta „Podrška Institutu za standardizaciju Bosne i Hercegovine u području primjene eurokodova” kojim je predviđeno usvajanje svih dijelova eurokodova kao BAS standarda na jednom od zvaničnih jezika u Bosni i

Hercegovini. Od ukupno 58 dijelova eurokodova jedan dio (BAS EN 1990) je preveden prije početka projekta. Od preostalih 57 dijelova do sada je prevedeno 46 od čega 26 u toku 2016. godine. Do sada je u sistem bosanskohercegovače standardizacije objavljeno 11 dijelova eurokodova od čega u 2016. godini 6, kao i jedan nacionalni dodatak BAS EN 1991-1/NA.

Radi planiranja, pripreme, utvrđivanja nacrti i prijedloga BAS standarda, praćenja primjene standarda, njihovog sistematskog preispitivanja i revizije, te praćenja međunarodne i evropske standardizacije formiraju se tehnički komiteti, kao stručna tijela Instituta (BAS/TC). U toku 2016. godine osnovana su 2 nova tehnička komiteta, i to: BAS/TC 61, *Eurokodovi – Projektovanje betonskih i zidanih konstrukcija* i BAS/TC 62, *Eurokodovi – Projektovanje čeličnih, spregnutih, drvenih i aluminijumskih konstrukcija*.

U skladu sa zahtjevima EU Uredbe br. 1025/2012 kojom se uređuje evropski standardizacijski sistem, svako evropsko i nacionalno tijelo za standardizaciju mora barem jednom godišnje izraditi svoj program rada. Objavljivanje programa rada takođe je obaveza koju nacionalna tijela za standardizaciju preuzimaju prihvatanjem WTO TBT Kodeksa dobre prakse za pripremu, usvajanje i primjenu standarda, a čije je prihvatanje utvrđeno Sporazumom o tehničkim preprekama u trgovini Svjetske trgovinske organizacije (WTO). Institut je na web stranici objavio Program rada Instituta na usvajanju standarda i drugih standardizacijskih dokumenata za 2016. godinu.

Institut je punopravni član: Međunarodne organizacije za standardizaciju (ISO) od 1997. godine i Evropskog instituta za standardizaciju u oblasti telekomunikacija (ETSI) od 1997. godine. Pridruženi je član: Međunarodne komisije za elektrotehniku (IEC) od 1997. godine, Evropskog komiteta za standardizaciju u oblasti elektrotehnike (CENELEC) od 1999. godine i Evropskog komiteta za standardizaciju (CEN) od 2008. godine. Jedan od strateških ciljeva Instituta je ispunjavanje uslova za punopravno članstvo u evropskim organizacijama za standardizaciju CEN/CENELEC. Da bi Institut mogao da aplicira za punopravno članstvo u CEN/CENELEC-u neophodno je da zadovolji 6+3 kriterijume koje su definisale ove organizacije, gdje su:

- 6 – kriterijumi za sve članice,
- 3 – dodatni kriterijumi za zemlje kandidate.

Institut je i u 2016. godini radio na ispunjavanju kriterija za punopravno članstvo u CEN/CENELEC-u. Aktivnosti za punopravno članstvo u CEN-CENELEC-u su postavljene u formi projekta prilikom čega je napravljena paralela između prethodnih 9 uslova i sadašnjih 6+3 kriterija. Takođe, napravljena je i lista nosilaca aktivnosti po svakom kriteriju. Jedan od uslova za sticanje statusa punopravnog člana u pomenutim organizacijama je preuzimanje najmanje 80% evropskih standarda i harmonizovanih dokumenata u bosanskohercegovačku standardizaciju. Zaključno sa 31.12.2016. godine taj procenat iznosi 85,7 % (koje je objavio CEN i CENELEC).

Bosna i Hercegovina nije članica WTO-a, ali Institut je prihvatio Kodeks dobre prakse za pripremu, usvajanje i primjenu standarda. Od svih članova WTO-a se traži da uspostave nacionalne informacione i notifikacione tačke u skladu sa uredbama Sporazuma o tehničkim barijerama u trgovini. Institut je nadležan za notifikaciju standarda u skladu sa evropskim zakonodavstvom i evropskim organizacijama za standardizaciju. Upiti i informacije su povezani i pohranjeni u jednom informacionom sistemu (ENP sistem). Dokumenti se iz Instituta šalju kontakt tačkama koje su uspostavljene na nivoima vlada, ministarstava na entitetskom i državnom nivou, Brčko Distrikta, privrednim komorama. U toku 2016. godine putem ENP sistema je odgovoreno na 68 upita koje su Institutu uputile zainteresovane strane, a vezano za različitu problematiku.

Takođe, Institut raspolaže hardverskim i softverskim tehnologijama koje mu omogućavaju efikasno obavljanje svih aktivnosti. Za upravljanje procesom standardizacije, standardima i standardizacijskim dokumentima Institut koristi Sistem za informisanje i upravljanje standardima (BAS SMIS). U toku 2016. godine kontinuirano je vršeno održavanje hardvera, sistemskog softvera i mreže, te unapređenje i održavanje web stranice i društvenih mreža.

Poglavlje 3: Izazovi u sprovođenju

Glavni izazovi u sprovođenju aktivnosti vezanih za realizaciju projekata/programa/specifičnih ciljeva definisanih Srednjoročnim planom rada Instituta za standardizaciju BiH za period 2016-2018. godina, u 2016. godini bili su:

- veliki broj standarda i amandmana koji su povučeni i zamijenjeni novim izdanjima standarda (npr. staro izdanje standarda i njegova tri amandmana su povučeni i zamijenjeni sa novim izdanjem standarda), što je dovelo do neostvarenja ciljne vrijednosti za 2016. godinu za jedan od pokazatelja za Specifični cilj 1: Unapređenje procesa pripremanja, donošenja i objavljivanja BAS standarda i pripreme Instituta za punopravno članstvo u evropskim organizacijama za standardizaciju (CEN i CENELEC),
- novo izdanje standarda EN ISO/IEC 17021-1 objavljeno je krajem 2015. godine. Standard je u sistem bosanskohercegovačke standardizacije preuzet sredinom 2016. godine, tako da je u toku prethodne godine vršeno prilagođavanje aktivnosti na izradi dokumentacije za sertifikaciono tijelo prema zahtjevima novog izdanja standarda, što je jednim dijelom dovelo do nerealizacije postavljenog cilja,
- kada je u pitanju punopravno članstvo u evropskim organizacijama za standardizaciju CEN i CENELEC, veliki izazov predstavlja jedan od kriterija koji podrazumijeva da država Bosna i Hercegovina mora da bude najmanje kandidat za člana navodeći prelazni period za pristupanje EU,
- ograničena budžetska sredstva i nedovoljno jačanje administrativnih kapaciteta ,
- nemogućnost korištenja sredstava iz IPA fondova zbog nepostojanja Strategije infrastrukture kvaliteta na nivou Bosne i Hercegovine,
- privlačenje, uključivanje i aktivnije učešće svih zainteresovanih strana u radu stručnih tijela Instituta uključujući predstavnike malih i srednjih preduzeća u BiH - MSP,
- mali broj standarda preuzetih metodom prevoda u sistem bosanskohercegovačke standardizacije a zbog nedovoljno raspoloživih budžetskih sredstava,
- nedonošenje novih tehničkih propisa od strane nadležnih ministarstva koji bi zamijenili stare jugoslovenske propise a na osnovu čega bi se povlačili JUS standardi,
- povećanje nivoa svijesti bosanskohercegovačke javnosti o važnosti i ulozi standarda i standardizacije s jedne strane zbog ograničenih sredstava i nedovoljno adekvatno obučenog BAS osoblja,
- kada je u pitanju on line prodaja, veliki izazov predstavlja podizanje nivoa svijesti javnosti o važnosti zaštite autorskih prava.

Poglavlje 4: Naučene lekcije

U toku 2016. godine prilikom realizacije planiranih aktivnosti Instituta, naučene lekcije se odnose na:

- kada je u pitanju rad Instituta i samo planiranje procenta preuzetih standarda, veliku važnost i značaj predstavlja obezbjeđivanje učešća predstavnika Instituta na različitim vrstama događaja koje organizuju evropske i međunarodne organizacije za standardizaciju. Na taj način Institut dolazi do informacija koje se odnose na najbolja iskustva u radu, kao i do informacija vezanih za novosti u oblasti standardizacije.
- saradnja sa nacionalnim tijelima za standardizaciju drugih zemalja, a na osnovu potpisanih sporazuma o saradnji je veoma značajna, u smislu razmjene informacija, iskustava i zajedničkog rada u području standardizacije,
- veliku važnost i značaj dobrog planiranja budžetskih sredstava ,
- važnost aktivnog učestvovanja i obezbjeđivanja uslova za rad na pripremi propisa, čiji su nosioci druge institucije BiH, kao i na usaglašavanju regulative BiH (zakona i drugih propisa) sa propisima Evropske unije (uredbe i direktive),
- značaj efikasne koordinacija između sektora i zaposlenih unutar Instituta,
- značaj obezbjeđivanja transparentnog rada Instituta,
- značaj stalnog obučavanja i usavršavanja znanja svih zaposlenih, kao i značaj izvođenja internih obuka,
- unapređenje i usavršavanje znanja zaposlenih u skladu sa novim zakonskim i podzakonskim propisima (npr. oblast borbe protiv korupcije, zaštita ličnih podataka, nove metode planiranja i izvještavanja i sl),
- značaj koji imaju utvrđivanje i analize rizika (što Institut još uvijek nije odradio),
- značaj definisanja procesa i jasno definisanih ovlaštenja, odgovornosti,
- održavanje IT sistema Instituta,
- aktivnosti vezanih za promociju Instituta i standardizacije.

Poglavlje 5: Zaključak

Institut je u toku 2016. godine, u skladu sa svojim nadležnostima aktivno sprovodio aktivnosti i doprinio realizaciji strateškog cilja 2 koji je definisan Srednjoročnim programom rada Savjeta ministara Bosne i Hercegovine za period 2016-2018. godina: Unaprijediti razvoj konkurentnog ekonomskog okruženja.

Izvještaj o sprovođenju aktivnosti Srednjoročnog plana rada Instituta za standardizaciju Bosne i Hercegovine za 2016. godinu prikazuje skup ostvarenih rezultata rada u 2016. godini, sa ocjenom njihovog doprinosa ostvarenju srednjoročnog cilja, ali sadrži i pregled drugih aktivnosti koje su realizovane u 2016. godini.

Takođe, definisani su izazovi, naučene lekcije i problemi na koje smo nailazili prilikom realizacije aktivnosti u navedenom vremenskom periodu, a o kojima treba voditi računa u narednom periodu, odnosno na osnovu kojih treba definisati i sprovoditi mjere kako bi njihov uticaj bio što manji.

Zakonom o budžetu institucija Bosne i Hercegovine i međunarodnih obaveza Bosne i Hercegovine za 2016. godinu („Službeni glasnik BiH“, broj 101/15) Institutu za standardizaciju BiH je utvrđen budžet u iznosu od 1.554.000,00 KM. Realizovano je 1.482.901,66 KM. (95,42%).

U tabelama B1 i B2 (Izveštaj o sprovođenju Srednjoročnog plana rada Instituta za standardizaciju BiH – Programi i Izveštaj o sprovođenju Srednjoročnog plana rada Instituta za standardizaciju BiH - Srednjoročni cilj), koji čine prilog Izveštaja, dat je pregled sprovođenja programa, odnosno srednjoročnog cilja i prikazana je realizacija pokazatelja koji su definisani Srednjoročnim planom rada uz obrazloženja za svaki pokazatelj.

Takođe, u tabeli B3: Izveštaj o predloženim / donesenim zakonima, drugim propisima i realizaciji razvojno - investicionih projekata/programa predviđenih Srednjoročnim planom rada Instituta za standardizaciju BiH, dat je pregled podzakonskih akata čije donošenje je planirano u 2016. godini i realizacija razvojno – investicionog projekta koji je kandidovan u PIMIS sistemu.

Direktor

Aleksandar Cincar

Prilozi

Tabela B1: IZVJEŠTAJ O SPROVOĐENJU SREDNJOROČNOG PLANA RADA INSTITUTA ZA STANDARDIZACIJU BIH – Programi											
Strateški cilj:	Unaprijediti razvoj konkurentnog ekonomskog okruženja										
1	2	3	4	5	6	7	8	9	10	11	12
	Pokazatelj	Opis pokazatelja	Jedinica mjerenja (% , broj ili opisno)	Polazna vrijednost pokazatelja 2015	Trenutna vrijednost pokazatelja 2016	Ciljana vrijednost pokazatelja 2016	Ciljana vrijednost pokazatelja 2017	Ciljana vrijednost pokazatelja 2018	Ostvarenje ciljane vrijednosti pokazatelja u 2016. godini (DA/NE)	Obrazloženje	Nosioci / koordinatori aktivnosti
Srednjoročni cilj 2.1.Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije											
Specifični cilj 1. Unapređenje procesa pripremanja, donošenja i objavljivanja BAS standarda i pripreme Instituta za punopravno članstvo u evropskim organizacijama za standardizaciju (CEN i CENELEC)	1. Pokazatelj Procenat preuzetih evropskih i međunarodnih standarda kao BAS standarda	Procenat preuzetih evropskih i međunarodnih standarda i amandmana u sistem bosansko-hercegovačke standardizacije	%	70%	71%	75%	80%	85%	NE	U izračun su uključeni standardi i amandmani. Veliki broj standarda i amandmana je povučen i zamijenjen novim izdanjima standarda. (npr. staro izdanje standarda i njegova tri amandmana su povučeni i zamijenjeni sa novim izdanje standarda). Akcent je na usvajanju evropskih standarda koje su objavili CEN, CENELEC i ETSI. Sa 31.12.2016. godine usvojeno je 85.1 % evropskih standarda (EN) i harmonizovanih dokumenata (HD) i 57% međunarodnih standarda.	Institut za standardizaciju BiH
	2. Pokazatelj Stepen ispunjenosti	Ovaj pokazatelj se odnosi na	%	70%	75 %	75%	80%	90%	DA	U okviru internog audita napravljen je presjek stanja i stepen ispunjenosti 6+3 kriterija	Institut za standardizaciju

	kriterija za punopravno članstvo u CEN i CENELEC-u	procenat realizacije 6+3 kriterija koje Institut i država BiH treba da ispune.									za punopravno članstvo u BiH. I dalje ostaje problem statusa BiH u EU (najmanje kandidatski status) za apliciranje Instituta za punopravno članstvo.	BiH
Program 2.1.5. Praćenje i usvajanje evropskih i međunarodnih standarda i izrada izvornih BAS standarda	Broj preuzetih evropskih i međunarodnih standarda i izrađenih izvornih standarda	Ukupan broj preuzetih evropskih i međunarodnih standarda i drugih standardizacijskih dokumenata, te izvornih BAS standarda u sistem bosanskohercegovačke standardizacije	Broj standarda	29000	31045	30500	32300	34300	DA		Veći broj standarda i drugih standardizacijskih dokumenata je usvojen zbog vanrednog zahtjeva mrežnog operatera (BH Telecom).	Institut za standardizaciju BiH
Program 2.1.6. Unapređenje informacionog sistema za standardizaciju – registar dokumenata BH standardizacije	Proces podrške, izrade i praćenja programa preuzimanja standard kroz SMIS	Ukupan broj radnih dana potrebnih za izradu programa preuzimanja standarda i drugih standardizacijskih dokumenata u SMIS-u	Broj dana	10	8	8	6	5	DA		Urađena su poboljšanja na sinhronizaciji SMIS-a sa bazama evropskih i međunarodnih organizacija za standardizaciju.	Institut za standardizaciju BiH
Program 2.1.7. Ispuniti 6+3 kriterije definisane CEN/CENELEC Vodičima 20 i	Procenat realizacije plana projekta ispunjenosti kriterija	Institut je napravio Plan ispunjenja kriterija sa jasno definisanim	Opisno u 2015. godini, a nakon toga %	Plan ne postoji	Napravljen plan i postupa se po planu – 70 %	70	90	100	DA		U toku 2016. godine napravljen je plan i realizovano je 70% planiranih aktivnosti.	Institut za standardizaciju BiH

22		zaduženjima po osobi i po kriterijumu i ovaj pokazatelj se odnosi na procenat realizacije tog plana.										
Specifični cilj 2. Unapređenje postojećih i razvoj novih usluga Instituta	1. Pokazatelj Obim prodaje standarda i usluga	Ostvareni prihod od prodaje standarda i pruženih usluga	Broj	200000	233580	205000	210000	215000	DA	Povećan obim prodaje standarda i pruženih usluga u 2016. godini.	Institut za standardizaciju BiH	
	2. Pokazatelj Procenat realizovanih zahtjeva	Procenat realizovanih pristiglih zahtjeva koji se odnose na usluge Instituta.	%	93%	95%	95%	95%	97%	DA	Procenat realizovanih zahtjeva vezanih za usluge Instituta (prodaja standarda, sertifikovanje) iznosi 95%.	Institut za standardizaciju BiH	
Program 2.1.8. Unapređenje prodaje	Uvedena online prodaja	Unapređenje prodaje standarda kroz uvođenje online prodaje	On line prodaja/ ukupna prodaja %	0	0	0	10	20	DA	Kao što je i planirano, u 2016. godini nije uvedena online prodaja standarda.	Institut za standardizaciju BiH	
Program 2.1.9. Promocija Instituta i podizanje nivoa svijesti bosanskohercegovačke javnosti o važnosti i ulozi standarda i standardizacije	Broj aktivnosti koje se odnose na promociju na godišnjem nivou	Ovaj pokazatelj se odnosi na različite vrste aktivnosti koje su sproveli predstavnici Instituta u cilju promocije Instituta i standardizacije	Broj	10	15	15	25	30	DA	Realizovan je planirani cilj za 2016. godinu (uključene su konferencije, seminari, edukativne prezentacije, sastanci, skupštine i sl).	Institut za standardizaciju BiH	
Program 2.1.10. Poboľjšanje	Vrijeme obrade pristiglih upita	Broj dana potrebnih za	Broj dana za obradu	7	6	6	5	5	DA	Broj dana za obradu upita je smanjen sa 7, koliko je bilo	Institut za standar-	

efikasnosti BAS-ovog ENP sistema - informaciona i notifikaciona tačka		za obradu pristiglih upita putem ENP sistema.								potrebno u 2015. godini, na 6 dana.	dizaciju BiH
Program 2.1.11. Uspostavljanje sertifikacionih tijela	Sertifikaciona tijela za sertifikovanje sistema upravljanja i proizvoda	Ovaj pokazatelj se odnosi na uspostavljanje sertifikacionih tijela za sertifikovanje sistema upravljanja i proizvoda.	Broj sertifikacionih tijela	0	0	1	2	2	NE	U toku je priprema dokumentacije.	Institut za standardizaciju BiH

Tabela B2: IZVJEŠTAJ O SPROVOĐENJU SREDNJOROČNOG PLANA RADA INSTITUTA ZA STANDARDIZACIJU BIH – Srednjoročni cilj

Strateški cilj: Unaprijediti razvoj konkurentnog ekonomskog okruženja											
1	2	3	4	5	6	7	8	9	10	11	12
Srednjoročni cilj	Pokazatelj	Opis pokazatelja	Jedinica mjerenja (% , broj ili opisno)	Polazna vrijednost pokazatelja 2015	Trenutna vrijednost pokazatelja 2016	Ciljana vrijednost pokazatelja 2016	Ciljana vrijednost pokazatelja 2017	Ciljana vrijednost pokazatelja 2018	Ostvarenje ciljane vrijednosti pokazatelja u 2016. godini (DA/NE)	Obrazloženje	Nosioci / koordinatori aktivnosti
Srednjoročni cilj 2.1. Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije	Pokrivenost BAS nacionalnog sistema standardizacije sa evropskim/međunarodnim standardima	Procenat korespondentnih evropskih i međunarodnih komiteta/podkomiteta/podsektori koji prate stručna tijela Instituta	%	65%	70%	70%	75%	85%	DA	Analizom je utvrđeno da stručna tijela Instituta pokrivaju navedeni procenat evropskih i međunarodnih komiteta/podkomiteta /podsektora, a pokrivenost međunarodnih i evropskih komiteta je 80%.	Institut za standardizaciju BiH
	Uspostavljena sertifikaciona tijela	Ovaj pokazatelj se odnosi na uspostavljanje sertifikacionih tijela za sertifikovanje sistema upravljanja i proizvoda.	Broj	0	0	1	2	2	NE	U toku su pripreme dokumentacije.	Institut za standardizaciju BiH

Tabela B3: IZVJEŠTAJ O PREDLOŽENIM / DONESENIM ZAKONIMA, DRUGIM PROPISIMA I REALIZACIJI RAZVOJNO-INVESTICIJSKIH PROJEKATA/PROGRAMA PREDVIĐENIH SREDNJOROČNIM PLANOM RADA INSTITUTA ZA STANDARDIZACIJU BIH

Opšti cilj / načela razvoja:		Integrirani rast										
Strateški cilj:		Unaprijediti razvoj konkurentnog ekonomskog okruženja										
1	2	3	4	5	6	7	8	9	10	11	12	13
Srednjoročni cilj	Specifični ciljevi	Programi	Zakoni	Podzakonski akti	Usklađivanje s pravnim naslijeđem EU-a (DA ili NE)	Planirano razdoblje za donošenje	Izvršeno (razdoblje izvršenja / NE)	Komentar	Naziv projekta javnih investicija	Očekivano razdoblje realizacije	Završen (DA/NE)	Komentar
Srednjoročni cilj 2.1. Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije	Specifični cilj 1. Unapređenje procesa pripremanja donošenja i objavljivanja BAS standarda i pripreme Instituta za punopravno članstvo u evropskim organizacijama za standardizaciju (CEN i CENELEC)	Program 2.1.5. Praćenje i usvajanje evropskih i međunarodnih standarda i izrada izvornih BAS standarda		Odluka o imenovanju članova Savjeta za standardizaciju BiH		I kvartal 2016. godine	NE	Prijedlog Odluke o imenovanju članova Savjeta za standardizaciju BiH dostavljen Savjetu ministara, međutim isti nije usvojen				
		Program 2.1.6. Unapređenje informacionog sistema za standardizaciju – registar dokumenata BH standardizacije										

		Program 2.1.7. Ispuniti 6+3 kriterije definisane CEN/CENELEC Vodičima 20 i 22 Program 1.2		Pravilnik o unutrašnjoj organizaciji Instituta za standardizacij u BiH		II kvartal 2016. godine	NE	Prijedlog Pravilnika pripremljen i dostavljen nadležnim instituci- jama na mišljenje, međutim tek u novembru smo dobili potrebna mišljenja				
Specifični cilj 2. Unapređenje postojećih i razvoj novih usluga Instituta	Program 2.1.8. Unapređenje prodaje											
	Program 2.1.9. Promocija Instituta i podizanje nivoa svijesti bosanskohercegov ačke javnosti o važnosti i ulozi standarda i standardizacije							Jačanje kapaciteta BAS-a u oblasti tehničke regulative, ocjene usaglaše- nosti i standardi- zacije	2016-2018.	NE	Projekat je kandidovan u sistemu za upravljanje javnim investicijama međutim u 2016. godini nismo uspjeli da pronađemo donator tako da implementacija nije ni započeta	
	Program 2.1.10. Poboljšanje efikasnosti BAS- ovog ENP sistema - informaciona i notifikaciona tačka							Jačanje kapaciteta BAS-a u oblasti tehničke regulative, ocjene usaglaše- nosti i standardi- zacije	2016-2018.	NE	Projekat je kandidovan u sistemu za upravljanje javnim investicijama međutim u 2016. godini nismo uspjeli da pronađemo donator tako da implementacija nije ni započeta	
	Program 2.1.11. Uspostavljanje sertifikacionih tijela											